



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum de Nenuphare citrino V

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

BRASAVOLI

leni mos seruā dū est, ut uiri authoritas conseruetur, me-
 minit & huius cerati in primo de Simplicium medicamē-
 torum facultatibus libro capite sexto: & in sexto de Sa-
 nitate tuenda. Sed hoc in libro aceti loco semperuii suc-
 cum miscet, solani, cotylidonis, psyllij, poligoni, tribuli,
 portulacæ, lactucæ, & aliorum. plerūq; iubeo ceratum
 cum aceto confectum semperuiæ succo pluries lauari.
 Nota denique cum oleum rosatum omphacinum confici-
 tur esse accipiendas rosas nondum perfectas, et nondum
 apertas, hoc à Mesue notatur in capite de Rosis, quia o-
 leum ex his rosis confectum est magis stypticum. SE.
 Arbitror nullum esse ceratum in maiore usu quàm istud.
 BRAS. Ita prorsus est, sed in maiori adhuc erit usu,
 si eo medici ad omnes infrigidandas partes, quæ infrigi-
 datione indigent, utantur, & eo non utantur tantum ad
 renes infrigidādos. At tertium propone in tua scheda
 descriptum unguentum.

S E N E X V.

Unguentum de Nenuphare citrino tertio loco sedem ha-
 bet. BRAS. Nec abre forte, ut infrigidans cerotum
 sequatur, cum & ipsum infrigidet. At à quo authore il-
 lud accipis? SE. Ignoro prorsus, & arbitror ex com-
 positionibus esse quæ magistræales uocantur. BRAS.
 Hoc profecto fatebor i usum uenisse sub nullo authore,
 immo ut nullum habet authorem, ita est tam uaria com-
 positio, ut duo Ferrariæ inueniri non possint pharmaco-
 pole, qui eandem præcise habeant compositionem quæ
 in pondere non differat, et in simplicibus. at tu quam ser-
 uas compositionem? SE. Hanc quam nunc audies.

Recipe

Recipe Olei de nenuphare citrino lib. III.

Pulveris florum nenupharis drachm. II.

Sandalorum rubrorum	}	Singulor. scrupu. I.
Seminis acetosæ		
Coralorum rubrorū		

Osis de corde cerui	}	Sing. scrup. semis.
Margaritarū non perforatarū		

Camphoræ grana. III.

Misce omnia puluerizando, & cum modico ceræ nouæ
ablutæ aqua rosacea fiat unguentum secundum artem.
BRAS. At tu modo aliorum pharmacopolarum com-
positiones audito, unus est, et tibi etiam pernecessarius,
qui ita conficit.

Recipe olei nenupharini, lib. I.

Pulveris nenupharis citrini unc. I.

Sandalorum rubrorū	}	Sing. scrup. IIII.
Alborum		
Coralorum rubrorum		

Seminis acetosæ	}	Sing. scrup. II.
Osis de corde cerui		
Margaritarū nō perforatarū		
Camphoræ grana. XII.		

Ceræ albæ unc. III.

Misce, & secundum artem confice unguentum. SE. A
mea compositione in pondere penitus discrepat, & al-
ba recipit sandala, quæ in mea descriptione non sunt.
BRAS. Audias & aliam compositionem, quam alius
seruat pharmacopola. SE. Iam audio, & totus sum

o ij aures

aures. BRAS. Est hæc.

Recipe olei nenupharini. lib. III.

Pulveris nenupharis citrini unc. III.

Sandalorum rubrorum

Seminis acetosæ

Corallorum rubrorum

Osis de corde cerui

Margaritarū nō perforatarū

Ceræ albæ aquarosacea lotæ, uel nenupharis quantum sufficit.

Misce & fiat unguentum secundū artem. SE. Et hæc compositio in aliorum simplicium ponderibus præterq̄ in oleo à meâ differt, & camphoram non habet. BRAS. Audias & alium nostratem pharmacopolā qui ita unguentum hoc conficit.

Recipe olei nenupharini lib. II.

Pulveris nenupharis citrini unc. II.

Sandalorum rubrorum

Seminis acetosæ

Corallorum rubrorum

Margaritarum scrup. III.

Camphoræ scrup. I. grana. III.

Ceræ unc. III.

Misce, & fiat unguentum secundum artem. SE. Hæc compositio à meâ differt in simplicium ponderibus, & os etiam de corde cerui prætermittit. BRAS. Non est magnum dispendium, ut deinde ostendemus. Dixisti hoc esse unguentum (ut uocatis) magistræ, si illud apud aliquē authorem inuenirem quid præmij offerres? SE. Quid tibi luberet, sed arbitror non esse authorem ali-

cuius

cuius momenti. BRAS. Immo non est propterea illi
 sponte prætermitto, à te petens quis nam sit ipsius un-
 guenti usus. SE. Dicunt cor infrigidare, ac roborare,
 & potissimum in febribus. BRAS. Vnguentum est
 quo prorsus carere oporteret, si quidem ad cor roborandū
 adhibeatur, Nymphaem etenim cor roborare à nullo
 authore usquā dictum est, os uero de corde cerui, quod
 est ossea quædam cartilago, ita cordi confert, ut os de
 corde aselli, quod nihil penitus ad hoc ualet, ignoroq;
 unde ortum habuerit hæc fabella, quod cor roborare
 sit aptum, sola odorata cor roborare apta sunt. At neq;
 os de corde cerui, neq; nymphea odorata sunt, quia ny-
 phea potius foetet. demptis sandalis, ac camphora nihil
 est amplius quod redoleat, paucam præterea præbeo fi-
 dem in cordis roboratione margaritis. SE. Ut conci-
 pio tu compositionem hanc haud probas. BRAS. Mi-
 nime omnium probo. Adde multo meliora adesse unguē-
 ta ad cor refrigerandum quam istud, inter quæ ceratum
 album Galeni, quod infrigidās uocatur potissimum est,
 sed aliud adde illa quæ in febribus refrigerāt non debere
 simul exiccare, quod facit hoc unguētum, propterea quā-
 opus est in febre refrigerare infrigidāte Galeni utaris,
 & si magis roborare uolueris, adde odorata frigida, im-
 mo & si aliqua etiam commisceantur calida, modo frigi-
 da superent, nihil refert. SE. Possum ergo in meo
 pharmacopolio unguentum hoc prætermittere. BRA.
 Potes quantum ad me spectat, quoniam illo nunq̄ deim-
 ceptus utar, & superioribus annis rarissime usus sum, sed
 illius loco Galeni infrigidante utar, aut simplici, aut ali-
 quibus additis odoratis, ut cor magis roboret, nam sua

BRASAVOLI

sponte refrigerat, et humectat, quæ qualitates non adeo egregie à nenupharino unguento induci possunt. SE. Veruntamen si illud conficere uoluerim scire optarent quibus simplicibus uti deberem, & quomodo sit conficiendum. BRAS. Ego os de corde cerui, & margaritas à compositione abijcerem, ueluti ad unguenti intentionem inutilia. SE. At tu ad refrigerandum cor, atque roborandum quo unguento huius nenupharini loco uteris. BRAS. Infrigidante Galeni cerato uterer, nam rosæ cor roborat quia odoratæ. tamen si uehementius infrigidare uoluerim, & roborare ita unguentum parari iuberem, & cordis regionem inungi.

Recipe unguenti infrigidantis Galeni unc. III.

Sandalorum rubrorum } Sing. scrup. semis.
Luteorum }

Ambracani gra. I.

Musci granum semis.

Succi limonis unc. semis.

Misce. hoc ita paratum cor refrigerat, & uehementer roborat. SE. Posteaquam huic unguento fidem non adhibes, ad aliud quod in mea scheda sequitur considerandum transeamus. BRAS. Ut lubet.

SENE X VI.

Unguentum Sandalinum sequentem locum occupat.

BRAS. A quo authore accipitur. SE. A Mesue, licet ipse sub nomine cerati de sandalis illud referat.

BRAS. De nomine non erit quæstio, compositionem ipsam adducito. SE. Hæc est quæ sequitur.

Recipe rosarum drach. XII.

Sandalorum rubrorum drach. X.

Alborum